



Inatsisartuni ilaasortat Knud Kristiansen aamma Siverth K. Heilmann, Atassut  
-/Maani

**Internetimik atuineq pillugu § 37 naapertorlugu apeqqummut nr. 2012-039-imut akissut**

Asasakka Knud Kristiansen aamma Siverth K. Heilmann

Naalakkersuisunut apeqqutisi matuma kinguliani tulleriillugit akineqarput.

14. februar 2012  
Sagsnr. 2012-061176  
Dok. Nr. 827897

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

**1. Naalakkersuisunit sulissutigissallugu pilersaaruteqartoqarnerluni Nunatisinni innuttaasut amerlanerusut interneteqalernissamut periarfissaqarnerulernissaat anguniassallugu?**

Internetimik atuinerup siaruarterneqarnerani innuttaasut ikittunnguunerat tunngavigalugu atuisunngorsinnaasut ikittuararsuunerat, aammalu taakku nunarujussuarmi siammasillutik najugaqarnerat unammilligassaavoq.

Taamaattumik interneteqarnermi sanaartornermut aningaasartuuterpassuit atuisunit ikittuinnarnit akilerneqartussaapput. Tamatuma kingunerisaanik Kalaallit Nunaanni internetimik atuinermi akiusut nunanit, soorlu Danmarkimit, atuisoqarnikkut amerlanerusunik tunngavissaqartunit qaffasinnerupput.

Akerlianik inoqutigiit tamangajammik internetimik atuisunngorsinnaanissamut periarfissaqarnissaat qulakkeerneqarpoq.

Illoqarfinni nunaqarfinnilu inoqutigiinnut katillugit 29.989-iusunut makku atuupput:

- Nalunaarasuartaateqarfinni inoqutigiit tamarmiusut 99,9%-ii bredbånd aqutugalugu internetimik atuisinnaapput.
- Innuttaasut 99,5%-ii GPRS aqutugalugu atortut angallattakkat atorlugit internetimut isersinnaapput.
- 60%-it bredbåndimut atortut angallattakkat 3G-nik sukkassusillit atorlugit internetimik atuisinnaapput.

Tamatuma saniatigut nunaateqarfinni avinngarusimasuni, nalunaarasuartaateqarfiit avataanniittuni aaqiissutissat immikkut ittut ikiorsiullugit oqarasuaatinik internetimillu atuisoqarsinnaavoq. Matumanili nunaateqarfiit akuerisat pineqarput.

Kiisalu illuararpaaluit assigisaallu, nalunaarasuartaateqarfiit avataanniittut toqqaannartumik atassusigaapput, allallu illoqarfinit nunaqarfinniillu toqqaannangitsumik atassusigaallutik.

Inoqutigiit bredbåndimik atuisunnorsimasut 39,7%-inik amerlassuseqarput. Tamatuma saniatigut inoqutigiit arlallit taamaallaat bredbåndimut atortunik angallattakkanik atuisuupput. Atuisut taakku eqqarsaatigissagaanni inoqutigiit 42%-iisa missaanniittut angerlarsimaffimmini internetimut attaveqarput.

Aamma innuttaasut arlalippassuit ilaatigut atuakkani atorniartarfinni suliffeqarfimminniluunniit internetimik atuisinnaapput.

Tassalu innuttaasut amerlasuut internetimik atuinissamut periarfissaqarput, naak teknikki eqqarsaatigalugu internetimut attavillit atuisunit ikinnerugaluartut.

Oqaatigineqareersutut sanaartornermut aningaasartuutit amerlatillugit atuisunut akigititaasut qaffasinnerusarput. Tamanna – ilissi tikkuakkassit – inuiaqatigiinni innuttaasut ilaasa internetimik atuinissaannut akornutaasinnaavoq.

Taamaattumik Naalackersuisut ataatsimut isigalugu internetimik atuinerup akikinnerulersinneqarnissaa sulissutigaat, ilaatigut siorna akinik appaasoqarsimalluni. Kisiannili akit nunani allani ilisimasatsit appasitsinneqarnissaat piviusorsiuunngilaq – tunngavissat taamaattut Kalaallit Nunaanni pigineqanngimmata.

## **2. Ilinniagaqartunut immikkut aaqqissutissaasinnaasunik pilersaaruteqartoqarnerluni?**

Innuttaasut tamarmik internetimik akikinnerusumik atuisinnaalernissaat Naalackersuisut sulissutigaat, aammalu sullitat aalajangersimasut, taakkunungalu ilinniagaqartut ilanngullugit, salliutinneqarnissaannik pilersaaruteqaratik. Tamatumunnga assersuutigalugu ilinniagaqartut salliutinneqassappata, sullitat allat aamma immikkut isigineqalernissaannik isumaliutersuuteqalertariaqarnissaq pissutaavoq.

Sullitat assigiinngitsut immikkut pilerinamerusunik neqeroorfigineqassappata, aningaasartuutissat atuisunit allanit akilerneqartariaqalertussaapput. Tamanna innuttaasunut, sullitanut taakkununnga ilaanngitsunut akisunerulersitsisussaavoq.

## **3. TELE Greenland-ip namminersortussanngortinneqarsinnaanera Naalackersuisunit qanormita isumaqarfigineqarpa?**

Tele Greenland A/S-ip namminersortunngorsarneqarnissaanik Naalackersuisut maannakkorpiaq isumaliutersuuteqanngillat. Pissutsit allanngussappata, taamaalillunilu ingerlatseqatigiiffiup namminersortunngorsarneqarnissaa innuttaasunut iluaqutaasinnaalissappat, periarfissaq taanna Naalackersuisut isumaliutersuutigilluarumaarpat.

Suliassaqarfik pillugu apequtissinnut soqutiginninnissinnullu qutsavigaassi.  
Neriuppunga matuma siuliani allassimasut aqutigalugit apequtisi akisimassallugit.

Inussiarnersumik inuulluaqqusillunga

Jens B. Frederiksen